

docsjia 文川网
入驻商家 文川网
在文川网搜索图书 获取更多电子书

中國方志叢書·西部地方·第四號

據清乾隆四十二年刊本 影印
清·長白椿園氏著

新疆省

新疆輿圖風土考

sk12662

成文出版社印行



中華民國五十七年三月壹一版

新疆輿圖風土考

P106

定價：新台幣一六〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號
電話：九二二〇一〇號

印刷者：正 大 印 製 廠

三重市長生街二號之一



內政部登記證內版臺業字第一一四七號

序地在天之中彈丸耳中原在地之中一隅耳約之郡邑均之一身眇然一塵耳是故新疆雖在天地之中其天時地利風俗諸端竟為人所不及明間有見諸簡編之著聞之父老之傳亦不過舉其大略而究難以攷據耳蓋余自髫年即西出陽關逾河源三千餘里而居于殊

docsriver 文川网
入驻商家 古籍书城

在文川网搜索古籍书城 获取更多电子书

異之鄉目見夥矣性復好知鄙事耳聞
且復唯然中國九州紀之典故者既確
且詳而伊吾以鹵不常見于簡冊列史
所載証以目之所見既多齟齬而未安
意者滄桑之變人事之各不相蒙耶我
皇上神聖文武卓越前朝西陲疆域開擴
萬里自古之險遠不到矣頑負固之地
莫不歸入版圖而言語侏儻衣冠詭異

之倫罔不匍匐稽顙隸諸臣僕且懷
德畏威者遍及于鹵淩之濱爰
命廷臣緝纂晉誌一時載筆之杰巨構鴻
裁煌煌乎輝耀千古矣然里巷瑣屑之
事殊方猥鄙之情或棄擲而不言或采
擇所弗及而游于其地者歸述于人非
附會之失真即抑揚之過當最足以誤
聽聞余居其地最久攷究最詳于是不

辭冗俚俗為是編目見存矣而耳之所
聞少無可據則置之既無左氏浮誇之
才敢為鄒衍荒唐之論哉

乾隆四十二年歲次丁酉十二月十九日
椿園七十一序于復四山房

新疆輿圖風土攷目錄

卷一

新疆紀略

嘉興汪大經
平湖張鳴岐鈔同校

雪山

哈密

巴里坤

烏魯木齊

伊犁

捷拉巴哈台

闢展

哈喇沙拉

庫車

烏什

葉爾羌

喀什噶爾

卷二

外藩列傳

布魯特

哈薩克

安集延

博羅爾

教罕

溫都斯坦

克什米爾

巴達克山

退木爾沙

沙關記

塞克

鄂羅斯

控噶爾

郭罕

退擺特

轄里薩普斯

哈拉替艮

布哈拉

附絕域諸國

卷三

西陸紀事本末

準噶爾叛亡紀略

阿睦爾薩納叛亡紀略

布拉敦霍吉占叛亡紀略

烏什叛亂紀略

土爾扈特投誠紀略

卷四

新疆輿圖風土攷

一

二

回疆風土記

天時 土宜 風俗 物產 雜錄

卷五

軍臺道里表

嘉峪關西至哈密所經各道里	哈密西至關展所經各道里	哈密北
至巴里坤所經各道里	關展西至土爾番所經各道里	土爾番西至
哈喇沙拉所經各道里	土爾番北至烏魯木齊所經各道里	哈喇沙
拉西至庫車所經各道里	庫車西至阿克蘇所經各道里	阿克蘇西
至葉爾羌所經各道里	阿克蘇北至伊犁所經各道里	阿克蘇西南
至烏什所經各道里	葉爾羌西至喀什噶爾所經各道里	葉爾羌南
至和闐所經各道里		


新疆輿圖


瓜土攷


光緒壬午
秋日

尚志居士
并題









鄂羅斯界



鄂羅斯境



此自什爾溫至都坦

北界西藏



國家平定準噶爾之地測量望野攷稽古典易其名曰伊犁曰烏魯穆齊及平定西域諸回部自嘉峪關分書部若哈密若闐展若土爾番新疆若哈喇沙拉若庫車若阿克蘇若烏什若喀什噶爾若葉爾羌若和闐威列版圖均為內地繪考大略以見聲義之所託焉

docsriver 文川网
入驻商家 古籍书城

在文川网搜索古籍书城 获取更多电子书

新疆輿圖風土攷卷一

長白椿園氏著

新疆紀略上

雪山

雪山自嘉峪關起龍蜿蜒而西或起或伏或斷或續或折而三或聚而一或隆然岌聳干插雲天或散漫平岡回環千里山南為哈密為關展為哈喇沙拉為庫車為阿克蘇為烏什為葉爾羌為和闐為喀什噶爾其餘小城無算皆回人聚居所謂南路也山北為巴里坤為烏魯木齊為伊犁為塔拉巴哈台其餘小城亦無算為準噶爾故地所謂北路也雪山之在中國者嘉峪關外東西綿亘九千餘里為南北兩路之分界至葉爾羌愈遠峻西南折入溫都斯坦復折而西直達西海不可考究矣其最大而著名者於烏魯木齊為博克塔班三峯孤峭冰雪晶瑩望之如琉璃插天隔蔽日月於哈喇沙拉為莫勒土斯圍逾千里水暢草肥宜於遊牧於伊犁烏什之交為穆肅魯塔班其山皆冰望之如銀南北兩路之衝衢也於葉爾羌為米勒台塔班山中皆玉又西復作冰山尤險阻為葉爾羌溫都斯坦往來必由之孔道更有玉山在焉其山自古積雪冰雪之水自山陽而下冬夏湧流散漫於南路各城以資灌溉諸水皆聚於賀卜諾爾賀卜諾爾者譯言星宿海也泉水黃赤湧地而出望之如列星

散布復經諸山冰雪之水匯歸流入中國卽黃河也自後藏西南溫都斯坦各國雪水經番地流入中國川江益東匯為揚子大江也

椿園氏曰案竹書周穆王十七年王西征崑崙見西王母神其說者謂穆王享王母於瑤池之上賦詩往來辭意可觀尤多闕誕之文山海經則以崑崙在西海大荒之外而司馬遷云自張騫使大夏之後窮河源惡睹所謂崑崙者乎或曰張騫僅至大宛未能窮崑崙之跡迄今去長安四萬里之地多有經其山川風土而傳之者又烏覩所謂崑崙者乎葉爾羌西北雪山其古之所謂葱嶺者與

哈密

我嘉峪關外沙磧千里乏水草絕人烟自古然矣前漢有事於邊陲置安西燉煌之郡

皇上開闢新疆以來西北數萬里盡入版圖邊外近地編氓之聚族而居者日以加繁因時制宜治以守令矣於關之西二百九十里設玉門縣治又西三百里設安西府治附郭之縣曰淵泉乾隆三十九年改安西府為安西直隸州縣裁鎮將同城焉州西疑卽疏勒故國蹟雖莫可考而其水猶呼為疏勒河也州南六百餘里卽沙州並新設之燉煌縣治其地沙磧尤甚所產之瀚海石極佳沙州東行四日卽陽關故址雖存今非大路之所經名不著矣州有泉一區深二三尺偃月形俗呼為月牙泉

極甘洌四圍流沙廣漠無垠深不可測鎮石泓然古稱陽關之西有不滿之沙井得毋卽此哈密城在安西之西九百里古之回國也前明已隸中夏所以有赤金之衛沙州之衛哈密之衛重兵駐守至今故壘烽臺遺蹟處處可攷國初歸入王化遂為臣僕康熙時準噶爾恃其強盛與中國爭哈密之地賊勢猖獗逾哈密而東犯回眾流徙是以我聖祖仁皇帝及

世宗憲皇帝天兵西下額魯特鼠竄棄巴里坤而逃當時軍事所需皆由哈密轉運設糧餉大臣二員專司其事乾隆十九年阿睦爾薩納來降

上命定遠將軍班第掃蕩伊犁軍出嘉峪關哈密為錢糧總匯之地其後額魯特之亂霍吉占之亂大兵累歲進勦哈密之轉輸尤亟至今西域各城歲需帑項仍由

哈密撥解建城一處周四里有奇駐扎總理糧餉大臣二員仍沿其舊設管糧通判一員又設副將一員都司一員兵一千依內地營汛之制西關外商賈雲集百貨俱

備居然一大都會矣城西五里餘卽哈密回城其王曰伊薩克

上所賜之爵也所轄回城六曰哈密曰素木哈爾灰曰阿思他納曰托哈奇曰拉珠楚克曰哈拉托巴所有回戶皆伊薩克之阿拉巴圖猶言人戶寡弱不滿二千家皆

貧窶不能自給語言與外疆之各回不通衣服相似但帽圓翅短耳夏極熱冬極寒

土產二麥穀糜瓜蒲桃北界巴里坤南界關展為關外第一要衝

椿園氏曰哈密古之回國於唐最盛自茲以西數萬里皆回紇部落而哈密吐魯番近邊當額魯特數十年入寇之衝以故貧苦衰弱不能自存今之子遺皆

聖天子覆載而生成者

巴里坤 烏魯木齊

在哈密西北三百里準噶爾故地也雍正間大兵進勦驅逐額魯特西去以此地南界哈密北鄰喀爾喀西接烏魯木齊進可以攻退可以防為南北兩路適中緊要之區故設重兵以防守之設領隊大臣一員攜眷滿兵一千綠營設總兵官一員標兵三千民戶之移駐既多天時之寒暄亦易地本極寒五六月間猶飛雪霰尚需裘禦近年以來二麥穀糜漸可樹藝乾隆三十九年復設宜禾縣治縣西八站建城曰古城設領隊大臣一員攜眷滿兵一千以聯絡各城之勢西即奇台廳今改縣土產野牲最多松多白蘑菰烏魯木齊亦準噶爾故地及平定伊犁額魯特種人皆勦滅千里空虛渺無人烟乃於紅山嘴之下建築城垣設辦事大臣一員其地山川靈秀沃野千里草肥水甘足資耕牧乾隆三十年設都統一員領隊大臣二員駐劄其地去舊城八里八山岡之上另建城垣周十里有奇

上賜名曰鞏固城移駐攜眷滿兵三千協領等官七十八員攜眷漢兵二千參游等官百餘員文職設哈巴巡道一員京都司官二員筆帖式三員辦理印房事務同知一員理民戶紅山嘴舊城設提督一員兵五千三百副參等官百餘員邇來甘省民戶移駐數千家及內地發遣人犯數千皆散處於昌吉瑪納斯等處開墾草萊充斥其地為四達之區以故字號店鋪鱗次節比市衢寬厥人民輻輳茶寮酒肆優伶歌童工藝技巧之人無一不備繁華富庶甲於關外紅山嘴上有廟一楹紅泥墜壁故俗呼烏魯木齊為紅廟兒也乾隆四十年改同知為直隸迪化州屬阜康昌吉兩縣建立巒宮及文武二廟州學縣學歲取諸生十餘名彬彬乎玉帛鼓鐘

聖教覃敷其地矣城西一帶沙岡環繞其下產煤盛旺城東南卽博克塔班三峯入雲冰雪晶瑩望之如琉璃世界靈蹟最著故俗以靈山呼之上賜名曰福壽之山土產野牲雉羣飛肥如蠟裹又產阿魏壓油鳥取松皮為膏謂之松樹膏能已癆瘵疾

椿園氏曰巴里坤烏魯木齊依雪山之背故嚴寒大雪然地平坦水草足額魯特之所游牧齊克塔班之北有漢文碑一通載其地之沙磧險遠字跡剝落不知為何代物亦不載其樹碑之由自歸 王化以來二十餘年氣候漸和五穀皆生置郡縣設守令鎮以重兵統以親信大臣一時之鉅制雄圖煌煌平規模宏遠矣

伊犁

伊犁準噶爾故地也為其汗之巢穴乾隆十九年阿睦爾薩納與準噶爾汗達瓦齊不和率其部落赴歸化城款關內附

上受降命將征討擒達瓦齊盡有其地後累經畔亂準噶爾男婦近百萬人皆伏誅地盡空虛

上命定邊副將軍領滿漢官兵駐劄伊犁而控制鎮扼之總統南北兩路其駐防之參贊大臣都統辦事大臣領隊大臣綠營之提督總兵均受節制管轄額魯特土爾扈特及回子各城並外藩之汗王貝勒貝子公台吉等各部落乾隆二十九年於伊犁川建城周十八里有奇

上賜之名曰惠遠城將軍旣建牙於此其索倫赫伯察哈爾額魯特回城之各領隊大臣均隨將軍駐劄城內印房京都司官四員筆帖式四員管糧司官一員撫民同知一員巡檢二員卡倫侍衛三十餘員卽年以來於西安涼州莊浪之駐防滿兵陸續攜眷移駐三千八百名協領等官一百二十八員均住城中發遣內地犯人二十餘名應役於是官兵旣眾商旅雲集關外巍然一重鎮矣而滿漢索倫赫伯察哈爾額魯特回子兵眾環繞分布於城垣之外者亦風雲蛇鳥之奇惠遠城東十五里有培塿焉為控俄爾鄂羅之山其下多煤其陰產鐵又東五十五里曰巴彥帶建城焉

上錫惠寧城之名駐防領隊大臣一員協領等官五十餘員兵千九百又東十五里有回城曰固爾扎又東百八十里有山曰哈什迴環數百里其上多銀多野牲將軍圍場在其中有城焉曰哈什回子之城惠遠城東北四百里有川名博羅他拉駐防察哈爾攜眷兵一千遊牧其地總管副總管領之其北為哈布他海之山溫泉出馬浴之已寒溼之疾其南有巨澤曰賽里木淖兒其神青羊大角而多鬚見則雨電惠遠城北四十里曰他爾奇之城又北二十里曰烏哈爾里克之城屯田所也綠旗兵二千六百流犯千餘屯田二十六工副參等官百一十員總兵一員統之又北為阿拉瑪圖之山有泉出焉南流為烏哈拉克之河環城西北來開渠引之其城為井泉官兵賴之南流而入於伊犁河又北為他爾奇之山多果木又東北為莫樓圖之山生土蛇見馬則其頭入土其身壁立馬腹膨然不能行倒則鑽馬鼻而斃其眼又北為庫車托木之山產元獺歲採入貢又東北為擠拉噶朗之山庫色木克什之山產蘋婆及杏多能多藥艸山花冬夏溫和別有天地焉惠遠城南多雉兔一里即伊犁河其水自哈什丕爾沁山河並山泉之水匯為巨流迅急湍激渡資舟楫中多白魚鯊魚水獺西北流過伊犁七百里入沙而伏河之南川平廣有八堡焉駐防攜眷席伯兵一千分八旗總管副總管領之回人亦雜耕其間其東皆深林豐草多狼多野羊其西皆葦湖多黃羊野豕城西

皆平原川曰賀勒果斯四百里川名齊七罕駐攜眷索倫兵六百達呼里兵四百總管副總管領之伊犁幅輿寬廣山徑龐雜西北西南皆外藩北鄰塔拉巴哈台南界回疆東接烏魯木齊為西北屏藩軍台十二沿邊卡倫三十規制極為周密地本準噶爾巢穴人資遊牧無事耕耘今大兵既駐其地皆需穀食因設屯田之法開墾荒蕪回民六千戶種地納糧僅足支用各官俸薪兵丁鹽菜必需於內地每歲例調內地銀五十餘萬兩綢緞數萬匹與哈薩克交易牛羊馬匹變價充餉又收關稅地基銀四萬餘兩及回城所交棉花布匹等項始能足一歲之用錢價昂貴三十九年奏准歲糧折阿克蘇葉爾羌布古兒各城銅七八千觔開局鼓鑄曰寶伊之局歲徵領隊大臣一員領兵五百巡查哈薩克布魯特一次即收取其賦稅牛馬百取一羊千取一額魯特台吉回城伯克俱隨年班入覲哈薩克三年一次入覲惟布魯特有來朝覲者亦隨年班入京無一定之例

椿園氏曰中國土宇之廣狹惟帝王之德有優劣自古言之矣我國家肇基東海積功累仁

世德綿遠茂膺

上蒼之眷顧奄撫中夏之黔黎

列祖

列宗深仁厚澤極山薄海悉主悉臣固已邊幅擴於前朝隆規軼於百代矣我
皇上載飛龍於九五承丕緒之恢張廟算無遺歸版圖者盡萬里戎人之
界偏師一舉附編氓者極百城回鶻之邦豈獨版章雄百代之先寶亦神聖邁
三皇而上矣方阿睦爾薩納款關來降一時廷臣疑議不一正亦無怪其然夫犬
戎獵允侵擾於周匈奴單于猖獗於漢自來無以制其命數世不克定其規如謂
一旅之師掃兇頑如秋葉數年之內擴土宇於遐荒則勇者不敢決其必成智者
不能料其究竟者我也

皇上宸衷睿斷大計天開命將而整師徒臨軒而授方略間有跳梁必嚴
捷伐苟深愛戴厚予生成春雨秋霜德侔天地洗心革面化被窮荒闢數
萬里之新疆昭千百代之創舉豈臣工所得窺其高深者哉然地居邊鄙之陞
惟切機宜之鎮密事懸萬里之外非可乞旨於堂廉執其事者善其成居其任
者稱其責則萬年鞏固之麻也

捷拉巴哈台

捷拉巴哈台亦準噶爾故地也其種人曰打什達瓦亦額魯特之屬地曰雅爾又曰
楚呼楚即阿睦爾薩納當年遊牧之處乾隆二十年後準噶爾破滅阿睦爾薩納北
走其地空虛大兵平定伊犁以其地據巖疆土宇廣闊南至伊犁十八站北至哈

薩克七日西至哈薩克三日東北去鄂羅斯境不滿五百里兩國之卡倫相望為北鄙緊要之區新疆屏藩之地因設參贊大臣一員領隊大臣一員初在西北屯劄極寒冬雪盈丈夏多毒蛇且多白蠅為害甚鉅飛觸人畜眼角輒遺蛆而去非以膠黏之不出後故移駐於楚呼楚

上賜名曰捷拉巴哈台建築城垣周廻數里設司官二員筆帖式三員同知一員聽差及卡倫侍衛七員官兵既駐皆需穀食設屯田漢兵一千參將游擊領之伊犁滿洲蒙古兵輪班調撥一千五百防守其地協領領之歲調餉銀數萬兩以充俸餉綢緞數萬匹與哈薩克交易牛羊駝馬變價充費乾隆三十六年土爾扈特來降其親王策伯克多爾濟之部落三千餘口安插於城東四站賀伯克薩里地方恣其遊牧產鱒魚鯊魚水獺及諸野牲多熊色蒼黃多麀數百為羣俗名四像有鳥烏毛似雞大有勛許味甚美常栖樹杪故名樹雞鴉綠色似鸚鵡羽可作扇似翡翠但微冗耳

椿園氏曰捷拉巴哈台西北邊之巖疆也與哈薩克鄂羅斯地界相達然哈薩克臣服中國傾心向化不有二心以鄂羅斯方困於控噶爾竭力支吾自保不暇又何敢生事故雖極邊要害之區轉堪高枕卧理且河水暢流足資耕漁之利山山場豐美尤多獵取之禽亦富厚安靖之邊疆也第奇寒大雪地處僻隅哈薩克額會特之外人迹罕到則一荒涼之世界而已

新疆紀略下

關展

關展回城土爾番阿奇木伯克所屬雍正間額魯特驛驛其城其首伊敏和卓率其人民投誠歸化因移其人於安西沙州以避準噶爾之殘暴乾隆三十年後大兵掃蕩伊犁土爾番人眾仍歸故土其後續定回疆伊敏和卓從之奔命著有勞績累受郡王之封關展雖極小回城而地當孔道東去哈密七百七十里為南路要衝故建築城垣周五里有奇設辦事大臣一員司官一員筆帖式三員管糧同知一員吏目一員城守都司一員千把總五員兵三百五十轄車站六台又西二百六十里為所屬土爾番回城

土爾番者伊敏和卓之子公蘇拉滿所居之處也統轄回城六曰土爾番曰關展曰魯古沁曰色更木曰托克遜曰哈拉和卓六城回人皆蘇拉滿之阿拉巴圖世襲土司非同疆各城隨時陞調去留之可比人戶惟土爾番最多然合而計之亦不過三千餘戶耳更多貧苦不能自贍夏極炎熱火織當天炎風匝地東南一帶沙山絕無草木日光照射尤不可耐俗名火燄山冬日無祁寒大雪土產麥穀胡麻而甜瓜西瓜葡萄種類甚多無不佳妙甲於西域土田肥沃亦多棉豆之利土爾番之北一里許多怪風往往驢羊吹去無蹤南皆戈壁野駝野馬百十成羣哈拉和卓即漢都護

班超駐劄之所又西南五百餘里為賀卜諾爾回城

賀卜諾爾者卽世傳黃河之源星宿海也自關展西至和闐四五千里之南自和闐南至後藏四五千里之東周廻萬里皆星宿海之海渺無人煙間有道途非戈壁卽泥淖直峯側嶺曠野平川無地非泉或如鏡懸或如瀑布或萬點湧地而出如珠之走盤或錯落散布而來如星之躔度水色赤黃數其泉不可以萬千計派流莫考沮如無垠無一非夾淤夾沙洄湧旋流之水加以雪山之陽回疆數千里各河東南長趨俱匯於賀卜諾爾為黃河極大之湖濛涸亭瀉旋轉而伏其東其北皆峻嶺高峯以障蔽之數百里出山始見黃水一線自山下湧出如溝渠耳東北流入中國卽黃河也有村二處皆名賀卜諾爾各四五百家其人不耕不牧惟以魚為生織野麻為衣取天鷲絨為裘籍水禽翼為卧其語言與回子通不解諷經禮拜之事時有至庫爾勒回城者不能穀食肉食食卽大嘔以庫爾勒多魚故來他處則不敢往其地設五品伯克一員屬關展大臣管轄時赴關展謁見則裹魚以為糧

椿園氏曰古云葱嶺之水東注河源西歸洋海今履其地而驗之信然夫黃水之在賀卜諾爾為宇內最大之湖洞庭彭蠡合而一之不敵其半羣山擁遏伏流千里而後由積石入中國亦祇一線耳寧夏之人且灌且淤大享其利至中州則浸淫瀰漫為南北兩岸之害九河之故道旣湮隄防帶壩皆障水之遺法然亦無可

docsriver 文川网
入驻商家 古籍书城

在文川网搜索古籍书城 获取更多电子书

如何耳聞展東北山有風穴故數百里內多怪風或黑或黃掀山飛石至其地之
海暑非常則又理之所不可解者矣

哈喇沙拉

哈喇沙拉辦事大臣駐劄之所城係中國創建東西南三門周僅三里亦極卑薄去
土魯番八百七十里設大臣一員司官二員筆帖式二員屯田防守兵二百遊擊領
之城中國人及土爾扈特人等雜處初係回城土宇寬廣著勒土斯山場廻環千里
草肥水甘多野牲足資游牧開都河水暢流足資灌溉以故人戶繁盛果木黍稷盤
空被野夙稱富庶之邦乃準噶爾恃其強橫占據其地為牧場回民不堪其擾死絕
逃亡地遂空虛及大兵定伊犁以其地要害因設辦事大臣一員駐劄後土爾扈
特來歸遂將其汗烏巴錫部落霍碩特貝勒恭格部落安插於著勒土斯恣其遊牧
教之耕種京差侍衛三員管理其人開都河南北兩岸及著勒土斯牧場氈帳雲屯
皆伊等所居也數年以來漸知稼穡然其人貧而惰性喜盜掠商民及回戶頗受其
害婦女尤不知恥到處可以宣淫而鍼黹女工則遠勝於回戶也極貧之男婦子女
多鬻於各城回人為奴而盜馬竊衣逋竄不知所往者復踵相接也狡詐回子亦重
價輾轉販賣於巴達克善溫都司坦等處從中漁利馬潼為酒謂之氣可牛乳為酒
謂之阿拈占敬喇嘛與額魯特同西南一百五十里為庫爾勒回城

庫爾勒回子七百餘戶多情關回人無內地官兵防守設三品四品五品六品伯克各一員餘皆七品地方遼闊開都河水滌繞多魚鰕蘆雁蒲鴨鷗鷺成行土產稻米二麥集吉艸可以為箸多葡萄瓜果其人好訟不知禮法又西五百九十里為布古爾回城

布古爾回城舊有回子二千餘戶後經逆匪霍吉占叛亂大兵進勦布古爾適當其衝逃亡略盡僅存百餘戶歸入庫爾勒居住息兵之後始徙情關回子五百戶實其地情關者回子中別一種也為霍吉占親近牧馬畜鴟之戶性狡詐喜訟回子中最為頑梗額設三品至四五六品伯克共五員餘皆七品無內地官兵事務同庫爾勒總歸哈喇沙拉大臣管理土產羊皮酥油捨柵絲紅銅城之南皆戈壁馬行三四日山場豐美多野牲益南則沮如近星宿海矣其地蘆蕩蒲灘綿渺無際為西入回地之咽喉其自葉爾羌和闐阿克蘇喀什噶爾沙雅爾等處來者雖由山徑荒灘亦必終歸於布古爾葦湖之土橋過渡舍此別無路徑也

椿園氏曰哈喇沙拉相傳為焉耆故地要亦毫無考據大抵數百年來皆回人境土明季為準噶爾吞踞夫邊外之土無不可以耕種者顧少雨澤而地乏水故土曠而人稀此地川平土決大水滌洞可庶可富之國也今土爾扈特霍碩特安插其地實為樂土之可居而其人游惰不能盡力耕作自食其力男則盜劫以為能